

孝友

蔡挺卿

顏應祐

沈祥

吳德范

張鳳徵

顏宏

顏敦祥

蔡秀鍾

張宏綱

樓明鳳

王肇禎

胡旦

劉震春

蔡憲曾

同安縣志

卷之二十三

孝友

蘇存明

蔡橋

蘇寵

黃俞叔

陳永華

辛肇姬

林化衷

陳祈猷

陳淑選

卓隆

王生

王家獎

王贊槐

許開

方惟正

陳獎芳

吳際斯

陳瑞映

林德馨

黃錫明

林起鳳

周特生

王三樂

劉夢煜

周為彩

梁以鍾

劉思忠

黃傳

高奇聰

杜梅健

宋

蔡挺卿天性肫摯父患病諸藥勿瘳挺卿卸股投藥
父飲之立愈遂以孝聞

同安縣志

卷之二十三 孝友

二

元

顏應祐字孝先以兵難失母許氏訪求二十六年足
跡幾遍海內有告以母在雲南者即往求之至蜻
蛉嶺始得焉遂迎歸士大夫歌詩以嘉其孝上官
民望贈詩閩泉南詔各一隅道途相去萬里餘巴
巫水急過於箭關索嶺峻能摧車顏生遠來憂且
喜視之不啻如平砥客中見母迎母歸此生始信
堪為子吁嗟世俗日已漓為臬為獍不自知事父
母能竭其力顏氏之子其庶幾祀鄉賢及孝悌

沈祥事父母盡孝至正甲午盜起祥負母逃海中之
嘉禾與盜躡其後祥爲所掠幸計脫而不知母所
在衝賊鋒行求晝夜號呼不飲食者三日始獲之
巖穴中母子抱持悲喜交集欲渡海同居而橐裝
既入盜手乃質子章獲錢數緡爲歸資其事兄最
友數日不聚卽中心欲然知世將亂深蟄不出自
號塵隱高人韻士或來賦詩爲樂閭里交口稱良
士章洪武初科鄉薦上春官會時需才急不俟會
試選吏部考功主事祥歿章請宋學士濂銘其墓

同安縣志

卷之二十三 孝友

三

明

吳德范初名潛嘉靖戊子舉人與父蘊俱以毛詩起
家兩同計偕後罷公車歸父已卽世匿中忽有汚
水流出德范慟哭舐食之授西安知縣家人有憂
貧者報書惓惓道作吏之難不欲乘之以貪汚而
勸其謝絕外事杜跡縣庭竟以骯髒得調卒祀孝
悌祠

張鳳徵字舜夫號治庭青嶼人生而穎敏襁褓中輒
能識壁上字九歲通五經大義嘉靖辛酉舉人乙

丑進士觀政御史臺素善病力疾辰入中歸不少
懈病劇給假行至張家灣而卒鳳徵孝友淳篤嗜
善若渴見不善謹避之而已與遊者咸飲醇焉歲
己未里中倭亂鳳徵與仲弟鳳表皆將縲去乃出
所攜金所免其一鳳徵謂仲曰吾弟幸有子其負
若子出營金贖我卽不能辦幸毋以我爲念鳳表
卽曰兄善事父母且未子必不可畱相推久之賊
怒目大叱幾刺刀已感其義獲免人以急難爭死
兩難之後鳳徵子實賴鳳表撫成之子繼桂萬歷

同安縣志

卷之二十三 孝友

四

乙未進士任華亭松陽知縣

顏宏字篤任性篤孝豁達嘗赴試秋聞適母病奔歸
以兄歿子幼二親老遂舍舉業傭書代耕親歿遇
忌辰雖年遠哀哭如初喪教子弟及鄉鄰里黨必
先孝弟忠信見人死喪窮乏輒罄助之食無重味
一盂而已人稱一孟先生嘉靖初有薦辟之詔林
希元永南大理與王宣同薦督學潘潢行縣聘主
社學辭不就

顏敦祥字篤禎與宏同族天性孝友飭躬勵行博通

經史尤長詩章甘貧守道教授鄉里卒徒出其門者咸知禮讓居父母喪枕苦寢塊者三年家貧不克葬衰經不解家居邑之金門所郡倅聞其名求見之以衰經辭倅固請遂以衰經見縣官屢聘賓筵輒辭不就

蔡秀鍾字士精號毓昆父環碧嘉靖辛酉歲貢不仕爲諸生祭酒秀鍾幼善病弗竟舉業弱冠入永春爲塾師已去而爲掾吏性孝友事父母先志所嚮得其歡有譴訶輒惶懼不食率妻長跪得解乃已

同安縣志

卷之二十三

孝友

五

庚申島夷內訌自永聞報馳歸會倭猝至棄妻子弗顧獨負攜父母以逃二人俱老行數步輒憩秀鍾左右覘賊且逼守而泣乃引匿石旁窟穴如是者三竟獲免父謂庚申以後吾身子子身也又時語諸孫非而父遭賊刃矣從兄客死永中有欲沒人其貲者爲紀喪事籍歸其孤中年老於家族推主宗事植孤弱範弗率一裁以義與人交直心以出無脂言飾行御子弟甚莊年六十七卒

張弘綱倭寇之亂其父遂夫與弟弘猷皆被擄索金

贖弘綱家貧無所得金度父無脫理乃入巢泣說賊曰某年幼雖假貸無與不如歸吾父吾父歸則金可得矣賊質之爲刻日而歸遂夫遂夫終無所得金至期賊酋令縛出與其弟斬之宏綱復給賊曰父歸必有金可遣弟速之賊又如言而遣其弟弟既脫宏綱乃告賊曰家貧甚金實不可得吾以全吾父與弟耳賊怒曰黠兒乃爲汝所賣懸於樹焚死之祀孝悌祠

樓明鳳性至孝終身孺慕父嘗患病醫者皆云弗治

同安縣志

卷之二十三

孝友

六

明鳳號泣禱天願以身代因割股和藥以進父病頓瘳人謂孝感所致

士肇禎古莊人與父伯騰網魚牛鼻溪騰溺深處禎躍身援溺會同儕者亟拯禎出禎曰未出吾父也投淵求之竟與父偕殞祀孝悌祠

胡旦字子熙號見塘莊江人年十五時兄坐誣殺人不能明逮繫縣獄旦挺身代之從獄中求識達人授書問字益廣其智年二十三始得白出而後成室旦四歲而孤其奉先至謹雖甚乏祭必豐祠堂

火諗族人節約祠費更新之父妾以無出別嫁後
靡依歲時賙救歿爲治喪有妹寡而貧召居傍近
時解推之常傾困倒廩以賑諸兄弟之貧族有鬻
鬪力爲解紛不至速訟處鄉黨朋友一用忠誠有
負之不爲變性重然諾貿易約束不用券盟早歲
任俠有中表窘於龍溪尉尉捕之急旦開門匿之
尉知持之急旦悉其家中橐奉尉曰恣君所取必
問某人絕無也又急吾將住死之尉乃不敢言鄉
有公利攘於豪右奮臂率鄉人白官復之旦通於
以子明佐貴贈南京戶部主事

同安縣志

卷之二十三 孝友

七

醫藥爲人醫不受謝求者雖細賤必應之無分晝
夜寒暑貧者併捨其藥資踰強鰥居終身不再娶
侍疾廬墓悉根至性邑人稱之

蔡憲會治親喪棺槨衣衾俱中禮度哭泣之哀晝夜
弗輟一時感動隣閭

蘇存明父死於外不能返葬存明請其母姨與母同
居歿而奉以與母同穴有子二人曰開曰涓涓嘗

出及暮乃歸白存明日適拾遺金俟其人返之是以歸遲存明日何如勿顧旦日其人持金謝存明曰吾所以謂不如勿顧也濶仕瀧水教諭存明病心動棄官消孫商霖爲邑諸生每言人於中夜將古人好事思量一番心便軒豁又曰念到堯舜禪受氣象更有何物足掛胸中

蔡橋字宗楚以字行號蒼山篤於天性庚申倭寇發時父匱在堂夜焚香祝天願減十年早膳保父匱及賊平匱完卻朝餐竟父葬尋以年高恩授冠帶

同安縣志

卷之二十三 孝友

八

年八十二卒

蘇寵少孤倚祖爲命萬歷辛亥祖病籲天割股進祖爲延數月竟不起里人欲白縣旌之辭曰海濱人也何知有棹楔事蔣芳鏞爲序之

黃俞叔諸生能詩父商於粵十九年不歸俞叔躬尋至化川得之父已病瞽徒步負父歸父目忽復明人謂者感越年復歸其母於漳浦竭蹶終養族文炤爲著興山孝子傳相國李廷機跋之祀孝悌

祠

國朝

陳永華字復甫鼎子爲邑諸生鼎殉節縊死明倫堂
永華奉母以逃城陷數日乃爲掩骼僧入城求父
屍於蔽一亭負歸斂葬子夢璋船廠副將夢球甲
戎進士

辛肇姬爲諸生長與后塘人性至孝奉侍父疾衣不
解帶父歿結廬墓左獨居三年風雨無閒仍設館
里中以近其母夜則宿墓哭泣晝則躬治母膳妻
見其衰經不離淚痕常在御立不敢接言廬中嘗

同安縣志

卷之二十三 孝子

九

失衾隔宿還故處人謂孝行所感云祀孝悌祠

林化衷城場人父得異疾三年不離側及病革割股
爲劑以進父病隨瘳得終養十八年祀孝悌祠

陳祈猷性孝友事繼母得其歡心值海警索餉亟弟
病被擄猷奔代備受拷楚卒得俱免外出經商所
贏餘悉奉父母分給毫不自私諸姪之孤者皆爲
聘娶

陳淑選五歲而孤貧窘異常母改適他姓淑選既長
迎歸孝養邑令鄧麟采額其門以獎之性樂善有

德望捐資倡修櫺星門邑令延爲鄉賓年九十餘卒

卓隆在坊人後遷居於仁德里家貧幼孤善事其母
蔡氏時海氛方熾康熙二年令沿海居民遷於界
內隆與母寄食於漳州寇發入城避之中途失母
所在隆年纔十三呼號徧求不能得號咷無所依
旣而展界復歸於同娶婦舉一子然心念母不置
以母失在漳遂負販於漳凡漳之重街復巷湫隘
僻遠之處靡不到而於賽神赴社廣會之場尤屬

同安縣志

卷之二十三 孝友

十

目焉以期或遇如是者二十年一夕至東郊浦頭
有一父老過橋顛其子扶之謹隆心動號哭於道
旁父老詢之具告以故父老曰無憂也汝往河南
則得之矣余家城北汝他日來余當偕往隆如期
訪諸城北無所爲父老居者遂疑爲神謀於婦驚
其子爲行李之資奔河南臨行與婦訣曰不見母
吾不歸矣先是其母蔡氏與隆相失入城得老嫗
同寓而復有少年女子色殊麗亦失其母流離道
路聞爲海鎮陳某所獲勿從出之依於蔡呼爲母

刻不相離後女終歸於陳陳奉命應屯於洛
祭氏之入洛以此故也隆既至河南徧歷諸屯所
至開封遇焉悲喜交集母子相抱泣下嗚咽不能
語時母年已五十有七失明負之歸而向所依之
女歸陳者家已落故無所贈隆且丐且行有詢知
其事者莫不爲之流涕由洛入閩取道揚子江江
半風作舟將覆隆仰天大呼曰吾千里覓親歸而
反陷親於非命則覓之罪轉甚於不覓矣抱其母
大慟須臾風恬同舟者俱賴以濟其母歸隆與婦

同安縣志

卷之二十三 孝友

十一

侍養一十六年乃卒子曰五福自河南南歸再舉者
隆以壽終邑人多爲詩歌以美其事云

王生康熙甲寅海寇亂失寡母唐氏生遂棄家賣卜
誓不得母不歸後十年宿潮州大埔旅舍夢神人
指母處明日得母於達濠鄉陳氏家白主人助以
資斧負之而還居數年生至鷺島舟至遭風覆焉
聞空中人呼孝子在遂若有扶而起者得一板附
之以活

王家獎五世同居一門六十餘口男女各治其事操

中饋五日輪一婦一物之微必長幼分嘗遷界時
全家男女保聚如初所飼蜂房既分復聚鄉人傳
其事邑令獎之

王贊槐世有隱德祖覲爲海寧州判遵遺訓五世同
居贊槐益修其業而繼之內外無閒言紳士爲作
王氏五世同居詩以美之

許開金門後浦人其兄元領官糖往膠州船遭風壞
元亦病故官捕元子貞償課貧莫能措將死開時
外出聞知奔回亟將男女鬻賣代完臨別慘傷見
同安縣志

卷之二十三

孝友

十一

者涕下事聞於鎮帥以公龍爲捐俸一百二十兩
付開贖回子女完取時康熙三十年也
方惟正伯兄早逝撫孤姪如己子傾家財與次兄惟
中營生惟中客死復往負其骸歸惟中子歿婦守
志撫孤待之尤加篤云

陳英芳事母至孝家故貧甘旨之供雖遠必致母病
瘋轉側須人獎芳出入躬自負不令子婦分任二
十年如一日母歿出告反面如在生前依依孺慕

云
八陽翟

吳際斯字遜周號樸菴在坊溪邊人天性醇厚事親
至孝服勤奉養極得歡心處兄弟怡怡無閒雖至
吳居見有不足輒分財與之諸姪婚娶所需多爲
經理父母喪葬之費一已獨肩其任無旁諉也家
雖清素雅好施與凡親鄰以窮乏告貸者靡不竭
力周旋鄉里翕然稱之延師課子敬禮備至子必
達成進士官提督夫婦齊眉就養於任均以子貴
榮膺 封典際斯卒時年八十有五妻王氏現年
九十三乾隆三十一年必達 陞見蒙 恩存問

同安縣志

卷之二十三 孝友

三

賜御書登壽延祺匾額褒嘉人以為孝友純行
之報

陳瑞映號潛齋在坊溪邊人受業於進士陳敬菴篤
學敦行不求仕進父病瘋臥牀褥十餘年瑞映衣
不解帶奉湯藥謹調護始復健因通方脈凡延
醫者皆不責報兄弟俱年登耄耋老友愛無閒又善
教督子姪胞姪夢熊遠子韜略韜章姪孫寧世遊
于庠貢于雍舉于鄉皆其所造就者也邑令張荃
給匾獎之著課兒要言年九十三卒

林德馨民安田邊人幼喪母繼母不能容父命與異
母兄同居稚年未諳農務爲兄所逐仍歸繼母德
馨先意承志曲盡子道繼母病頭瘋延醫調治歷
十餘年夜不解帶繼母疾得痊爲之感悔且益加
慈愛以辛勤創置田產與兄中分推腴於兄而自
取其瘠築屋讓兄居之爲人排難解紛一無所取
亦不自見德人服其正直

黃錫明字奕遠號亮峯積善里錦宅人四歲而孤與
兄二人相依一室母王氏青年勵節錫明家貧值

同安縣志

卷之二十三

孝友

十四

播遷流離中時時負米百里外以養母雖未冠勞
苦非所知展界後發憤讀書數奇不得志課生徒
以奉甘脆者凡十年居平有所往必與母訂歸期
勿愆或至期有挽留之者曰吾與老母約矣必奔
歸慰倚閭望焉雖至戚良友莫能阻也旣而有邀
以航海者錫明以路遠恐違定省久固辭母命之
行乃行然每夜必焚香禱天願早歸侍母蓋未嘗
須臾忘母也初至日本地多美妓同舟人皆惑焉
欲誘爲己伍密令少年艷妓潛其室錫明堅拒之

人疑其矯錫明日余非矯也人子離親遠遊方寢不安枕而有閒情及此耶眾乃歎服素善飲終日不醉醉亦不亂將遠行母囑以勿飲自是旅邸遂勿飲人亦莫知其能飲者事兄如事父兄亡悲感成疾先世有祀田爲人吞噬力復之至今貧寡俱有賴迨建宗祠成族人多其功享諸祠子江登甲辰賢書官內閣中書濤辛未進士任湖北長樂令以子貴 贈如其官

林起鳳烈嶼人監生八歲喪父遭海氛與母相失稍

同安縣志

卷之二十三

孝友

十五

長竭力尋求於澳頭鄉許雲觀家得之迎歸偕妻石氏孝養無閒復遠涉臺灣遍求父墳不獲僅得一香爐攜歸奉祀篤愛同母弟起鵬買田宅給之延師教督後爲諸生食餼入成均里人李姓負官帑數十緩質女以償如數與之歸其女貧佃逋租數百斛破券免之嘗遠遊經商舟至七州洋颶風大作溺舟甚多聞空中有聲云尔孝子在此遂得無虞年七十二卒子孫蕃衍多雍庠

周特生安仁里例貢生九歲而孤祖流寓海澄及葬

焉海氛頻仍失其墳處父道窮窮獲抱恨終身特
生稍長竭力訪求閱二十餘年乃於新安周厝尾
得之八以爲孝感事母尤氏盡孝母有足疾七年
不能行特生出入起居背負片刻不離母病漸痊
待兄恭敬凡事必請而行兄奴撫姪如子纂脩族
譜居喪遵古禮不用浮屠初窮困舊居湫隘後稍
拓一屋七十餘口同居合食三十年無閒言

王三樂安仁里人監生少習舉業遭海氛播遷家貧
親老治生供養日往返百餘里不辭勞瘁親疾侍

同安縣志

卷之二十三

孝友

十六

湯藥無寧暑喪葬獨肩與兄弟友愛備至長兄早
歿撫諸姪如已出所治家人產悉與弟姪均分毫
不自私尤慷慨好施嘗施棺數百具脩學宮築橋
梁周貧乏惟力是視無吝色邑令朱奇珍表其閭
曰內行無慚

劉夢煜字質陽號敦行性孝友事父母能養志承歡
與兄弟處囊無私蓄雍睦之風見推里黨生平好
學工文章屢爲識者所賞不慕仕進以布衣終其
身杜門課讀泊如也年五十五卒子先登乾隆篋

午舉人定興知縣孫逢升乾隆戊申舉人

周爲彩積善窰山人少孤事母孝與二兄甚友愛兄
歿無嗣爲之立後視姪如子教養成入婚娶畢仍
將自置產業子姪均分人以爲難

梁以鍾鴻漸尾人天性篤摯家貧傭工爲業兄患痲
侍奉不離左右遇乏食卽出爲傭人以肉食相餉
不忍自飽必攜歸養其兄凡數年自始迄終不衰
鄉里咸義之時邑令某書孝友二字額其門

劉思忠東橋人有至性母嘗病篤思安邑大平梨已

同安縣志

卷之二十三 孝友

七

逾其候邑中徧求勿可得思忠馳索境外忽遇老
叟抱嬰兒手持一梨因告以故願厚其值而買之
叟勿許嬰兒與之叟怪焉遂卻其值亟持歸母啖
之而病愈

黃傳在坊東門外東橋人父卽雙瞽業於星十母陳
氏無子傳螟蛉子也卽死傳幼母子貧無所依至
乞食以活後相失傳賣錫爲生遍尋其母至十七
歲得之陳氏已失明遂負以歸忍飢養母拮据娶
妻每飲食必請母所嗜妻稍有難色傳勸誠之其

後妻亦爲之動母以老失明喜聽梨園曲以悅耳
雖一二里之遠傳必負母至演劇所稅椅與母坐
僱里姬陪母買備羹飯託媪代炊以供之朝負出
旣得所託卽賣錫去抵暮歌臺響絕仍赴其處負
母歸計其母失而復遇之後奉養二十七年無一
夕稍懈里人皆稱其孝母以乾隆二十六年卒年
七十三越五年而傳亦卒年四十九

高奇聰字淳敏鄉賓性孝友與其父振吾舌耕里塾
朝夕得以侍養父歿葬在梵天首崙結廬墓側哀

同安縣志

卷之二十三 孝友

六

慕三年曾祖父葬在長興里海氛播遷失其墳處
奇聰竭力哀尋十餘年始於塘仔後地中得之後
買左右課地爲墳蔭祖父母歿奇聰獨肩不旁諉
也擇地於九躍山寨仔頂葬焉爲諸姪完娶并以
居宅讓其兄內外無閒言邑令朱奇珍延赴賓筵
贈匾曰孝友儀型母鄭氏享年一百二歲步履維
艱奇聰朝夕扶持始終不懈邑令劉興元復贈以
母壽子孝匾額卒年七十四子育茂職監孫以彰
由貢生遵例急公 贈祖父俱爲奉直大夫

杜梅健字文行馬鬣人任霞倉監生性孝友十三歲喪母號泣盡哀感動鄉鄰時幼弟梅仗方五月父外出梅健抱梅仗向里鄰乞乳日夜撫養事繼母先意承志父病奉侍湯藥衣不解帶讓腹田於季弟親戚貧不能葬及匱乏者量力周恤子鴻猷附貢生亦有孝德建宗祠置祭田孫瀛邑庠生

義行

陳乾道

胡乾篤

陳樸軒

林應

同安縣志

卷之二十三

孝友

九

傅琪

楊真

黃朝緒

劉應寬

劉恭

許鍾會

林湍

陳希銓

洪俊

李瑋

池浴雲

陳俊

呂誠源

劉夢龍

蔡鼎臣

劉紹豸

柯楊

葉震陽

林牧

周仕慶

林晃

蔣懷忠

郭榜

王三聘

陳廷佐

蔡祚

李霖慰

黃蘭芳

莊獻

洪居正

王高

王覲

鄧師

阮伯宗

王士豫

陳世樞

同安縣志

卷之二十三

義行

三

陳于基

陳雲初

王良

陳維衡

王朝俊

蘇未觀

劉彭齡

陳御飛

顏孔輔

黃士敬

胡天德

林德謙

陳王春

陳朱鵬

陳錫英

林芳德

周廷樑

黃錫時

呂文週

林贊育

李擎輝

林文煌

莊肇基

陳夢熊

陳秉義

陳邦寶

陳迪元

陳思敬

高育茂

童重器

明

陳乾道唐陳場老之後家三畝好善凡遇有義舉捐貲不吝年九十五終曾孫華玖宏治戊午舉人

同安縣志

卷之二十三 義行

三

胡乾篤父克裕有孝德偕妻雙壽至九十一歲乾篤事親孝謹好善行義成化辛丑援例納粟給冠帶造余塘溪橋以利行人既訖工請父母行橋上效舞綵戲鄉人羨之於赤泥山立義冢修埋枯骨邑令龍越作忠義堂旌之子廷銘亦有孝行曾孫明佐萬歷壬午舉人壬辰進士累官山東參政

陳樸軒陽翟人為經歷書記成化初大小嶺民以通夷內徙委經歷查勘樸軒極陳嶺民仳離狀代畫保全策經歷如指言之全活甚眾建祠勒石頌之

林應字應彬以字行號明夫翔風麀圃山頭人希元
父也少失怙鞠於母李以愛失學只讀竟四書然
敏悟絕人既長於書多旁解觀書過目輒成誦嘗
有官司榜示數十條好事者疲於抄錄應哂之人
曰若當如何曰入眼當爲胸中物耳人以爲妄授
以紙筆試之應錄不遺一字眾驚服凡算法農圃
卜筮地理陰陽法家靡不通曉尤遠星命推測皆
中居鄉計口度田課僮耕之以身率焉并子弟亦
令讀書之暇躬習曰使知艱難耳生平不御車馬

同安縣志

卷之二十三 義行

三十二

雖數百里不異窮乏者則哀悼之佃人輸租不如
額者緩之卒竟貫焉人有患難以身濟之罔恤利
害海寇作梗邊海漁民苦荒業倡義執其渠後寇
欲反仇徙宅避之嗣爲鄉惡少彭姓所侮校弗勝
業因之落賫恨以歿年六十有五卒後十七年而
希元登第

傅珙字質温號禾江少讀書了晰經史尤好通鑑能
舉其首尾嘗讀至所記強項令而追歎之曰斯丈
夫矣父年已老珙不辭筋力服賈爲養時時轉販

宋穀於漳泉閒時其貴賤爲往來不多取人直有多直輒舉還之有兄二人曰琮曰珍珍逮繫省獄珙囊饋以從力爲訟冤出之亡何珍客死福安人謂道遠火之便珙不從以櫬歸及父與長兄琮同日卒哀毀幾不欲生撫二孤姪恩養備至爲之有室子鎮幼穎慧勉之曰學則庶人之子爲公卿及十五歲爲諸生有文名又誠之曰文莫吾猶人也其當先士行及舉進士馳書示之曰幼學壯行此其時矣鎮歷官著清節俸餘無羨益心喜之邑令同安縣志

卷之二十三 義行

三

屢致鄉賓勉一就鄉有兄弟爭田者求珙居閒則將挈田相畀珙留與共酌反覆諭之曰辱君意誠厚顧君視予於兄弟孰戚哉何不以讓兄弟而獨畀予其人愧悔去遂敦好如初以子鎮貴封御史年八十卒

楊眞林希元蒙師也嘉靖丙午丁酉歲漳泉大饑當路賑粥眞獨不赴闔家餓死者七人其不苟生如此

黃朝緒字志理號廣堂賦性嚴厲治家勤勉經畫精

密家故饒值中落奮然有恢復之志念父祖祀典未備割已業若干以爲祭田又規畫祠堂規制以遺後人嘗誨其子國濟曰爾讀書當如是治稼播種芟耘必以時糞澆必以力則稼雖與人同所獲必與人異見人戚戚於貧富則曰不願大大富不願小小貧不願人求我不願我求人其言皆見道如此

劉應寬會祖璠本江西王山人元至正閒爲同安縣尹卜築於縣城庫內巷遂家焉應寬樂善好施有

同安縣志

卷之二十三

義行

二十四

安仁里人夫妻哭子喪明乏食相租給養又憫貧人暴柩爲買地施葬邑人廣文洪居正爲作義地記

劉恭字大受號鐵山雄曾孫少孤奉母王氏以居諸父叵測利其業謀殄之恭幼卽多智遵母教潛形謹跡不踐禍機昏夜出入自防飲食心動輒不苟諸父知不可殄則漁奪其產耗之恭泣謂母曰他日兒能自有之勿與爭旣長娶於葉奉母僑居以避難自力於糞穽艱躋中忍閔耐侮與人同勞逸

甘苦遇寒飢推共衣食赴人緩急風雨疾病期至不爽晷刻人多願効死力色温詞摯論事多中善灼人隱而樂善諱過所譏獎人同勸阻鄉人有構者多解去既漸致富御財有義多縱弛以賑貧窮惡菲服食不迺於驕佚莫有怨妬者其後諸父以凶終諸孤淪落存者蕭然恭復撫卹之爲時婚嫁營貲產人咸難之俗俠武鬪訟恭獨延名師課子風示里中子存德爲御史疏諍廟議與儉人異同或傳至家謂禍且不測恭抗聲曰主聖臣直何憂

同安縣志

卷之二十三

義行

十五

卒不害及子爲松江守遣輿卒迎養人謂地多珍物民吏善事長官宜往饜享恭曰使吾至郡鄙且閉門杜徑民吏何由見面且吾在家顧不饜享耶輿卒空還惟貽書勉以守官愛人而已年六十九卒

許鍾會翔風後浦人淳誠古朴教子讀書終身不入城邑子廷用舉進士官南部人莫知爲貴人父也年八十以恩例受冠帶邑令累延賓席不赴至八

十八終

林湍字其東號潑川亨泥人生十月而孤與母及女
兄適呂者相依爲命幼警敏有至性孝事母而敬
兄姊姊嘗割其埔下租弗禁已而復取租里嫗甚
湍直之日是粟林而歸呂何也湍曰女兒也卒無
所問父所遺業二兄獨多取湍聽之中年家稍落
躬耕自給值倭訶濱海鳥獸竄骨肉或失湍盡室
先之山林海島中得無害疫癘盛行其家獨免人
謂德報及子舉進士爲南京部郎往視之勛以忠
孝母負其官會覃恩得封奉政大夫子一材隆慶
辛未進士累官參政

同安縣志

卷之二十三 義行

三

陳希銓字夏迪號後山浯洲人兄爲諸生弟未成立
乃舍儒讀法爲掾吏以養親罄資以助亡姊之祿
從弟沛客死滄浹徒步往迹瘞處負骸歸葬宗祠
圯捐俸倡建身負木石先之

洪俊字子才號見泉少讀書不喜帖括棄去治耕父
母繼歿季弟刀幼兄遺孤在抱謂妻曰吾任父若
任母其卯翼之以克有家有無相通雞犬桑麻相
守望歲時酒食相勞雖室罄必其食輟哺寢分襟

毫無岐視值海寇棘居民鳥獸散有父執彭姓篋金百二十兩來寄以亂辭彭曰得失有命子不吾負吾亦未嘗告吾子也既受命懷篋俱臥起寇退而返之曰幸不辱命里中團結社兵捍賊警門有攻石者八人自南安來衆曰謀也攫其囊金去且將沈之水俊挺身持不可曰傭也若之何賊之吾且白諸官矣卒還金而以八人免族有惑彤家言者修父母骸襲祖塋穴事甚陰不可禦爲盟香質山靈以秘計護之卒不侵甲子正月賊猝至挈妻

同安縣志

卷之二十三 義行

三七

子避八後堡堡湫窄賊連陷沈井諸寨鍾攻堡瓦石皆震忽賊相驚呼散去則戚將軍兵至也其存亡閒不容髮人謂德報子曰觀萬歷辛卯舉人金華府推官贈父如其職

李璋字振載號象明潮州守春芳子三歲而孤母翼之年十六爲諸生旋遊南雍縱觀金陵山水友天下士歸放浪耳目自娛散千金弗顧以母病稍斂飭然好結客浮白終日不厭每遠遊輒停舟車僦一驢周覽形勝辨其風謠土物日以廣吾陋兼寫

旅懷久之以例子上林苑監錄事秩需次二年除
良牧署司課無苛署既暇益多從長者遊中丞郭
惟賢愛之款談甚洽出爲吳江主簿惟賢贈以詩
至蘇守令咸優遇之吏材敏決不懼強禦案無留
牘未幾卒於官璋雖豪雋而篤倫物莊事繼母遇
譙呵必介所親祖跪謝撫大宗之孫於孤幼而助
之室推財多所施舍鄉人皆義之

池浴雲字仕卿號龍洲幼穎慧媻駢語稍長失恃哀
毀成禮孝事繼母年二十一爲諸生築精舍於五

同安縣志

卷之二十三 義行

二十六

老山中希跡城市得地師李姓者卜地葬母葬時
有雙鶴集其旁人謂孝感會妻病篤而李被誣逮
繫聞而愀然曰李君良友坐視其非辜而不自之
視貫高樂布愧矣妻廉其志謂之曰余病稍愈第
行無慮竟脫李獄載與歸生平絕無貴介氣亦未
嘗干有司至建州購書數千卷還而卒業焉未幾
病卒年三十四鄉人爲鐫龍洲臥岡四字於五老

山石

陳俊字克位號宅洲陽翟人健孫少穎嗜學與兄榮

祖榮選俱以文名萬歷癸卯應歲貢越五載授福
州府訓導省會送迎甚劇浩然曰吾老矣安能爲
首藉折腰遂不赴杜門撰述以文事課子孫又十
年卒後事父母色養維謹居喪以毀名恭事二兄
商質古今常至夜分雖老有讓梨意壯年喪妻矢
不再娶生平慷慨好義嘗捐已以集事而不自見
德寓長安有同年告窘傾囊周之惠安鄭生同貢
暴卒殯而哭之哀雅甘澹泊諸子或以輕煖肥甘
進亟麾去曰此非儒味所宜居恒每以無求安飽

同安縣志

卷之二十三 義行

二五

恥惡衣食懷居三章反覆誦之邑令嘉其恬守舉
鄉賓子穀萬歷庚子舉人歷任新安藍山知縣

呂誠源字以漸號東涪幼喜經書古文有名諸生閒
父蚤喪事母以孝聞爲人坦夷無城府臨財不苟
取予處家不爲煦沫態所交皆知名士浯多倭賊
徙居金門所捐金數百築東堡以護近鄉逃寇者
賴之沿海漁民藉其貲營生時有所餽卻不受晚
年邑令數延大賓閒一赴卒後蔡獻臣爲之銘

劉夢龍字國楨號肖沂存德子幼機穎嚮學年十二

爲諸生下帷發憤有聲庠序嘉靖戊巳間海賊橫
發攻城夢龍手畫備禦之策邑令譚維鼎聽之又
捐貲於城東築土堡爲犄角部署既定益市牛酒
勸勞之民依堡得全者甚衆時父備兵潮陽檄調
閩卒應募者未問貲第願得夢龍一諾蓋一日而
集壯士數百人及父宦歸一切家政皆倚辦上承
父志竭力洗腆無數見不鮮撫諸弟教而育之及
父歿而禍作司寇洪朝選被逮死獄子伏闕訟寃
謂令某與聞其事夢龍適與令善故波及之猶曰

同安縣志

卷之二十三 義行

三十

夜負土襄葬事已析產甚均而挺身赴理紓諸弟
之難弟夢騶竟株連褫青衿而幼弟夢松夢潮無
恙卒以成立夢龍之力也及夢松旣登第入仕籍
乃退耕於野與田夫野老談桑麻鄉鄰構覺得其
一言立解族屬有過舉正詞諭之無不改心易慮
其達識敢言動中窾窵令人心折氣平晚年益遠
於挫銳解紛之術善摧剛爲柔非獨其智多也年

七十九卒

蔡鼎臣初名獻襄字體謨號弼臺白諸生入太學性

資英朗舉動儼飭喜恬淡不烜赫氣勢不徵逐貨利屢困於聞遂閉門潛玩凡古今文詞諸子雜書纂集抄評曰以此遺子孫吾可老矣素嚴取與而好施貧不能葬及匱乏者求無所靳以足疾卒年六十一

劉紹豸本名應兌字悅甫號秋軒汝楠孫少聰敏父授以章句輒解悟性深湛嗜思爲名諸生家政嚴肅內外無敢抗者有犯面斥之事過輒忘人憚其威而服其量撫二弟延師課督不以熒熒在疚稍

同安縣志

卷之二十三 義行

三

爲姑息又能勇於爲義周人之急惜無年以終其命李光縉爲銘其墓

柯揚字文蘊號方圃生逾月喪母又九月喪父族人利其遺貲厄危者屢賴祖母葉氏藏掖於壻家得免稍長善握算資用以饒待族人不追舊惡敦洽無閒總功昆弟視若同胞慷慨好施慕尙賢豪長者如不及攜子讀書郡城遂家焉曰吾故居得無虞海寇乎不數年而寇大作戚里避寇來郡者多依揚爲棲止解衣推食無所吝咸稱其智且仁旣

而念莊江故居爲先世拱木之遺身後仍將葬焉
乃修葺宗祠命其庶子曰林居之長子曰森木名
一蘭隆慶庚午舉人任孝豐知縣

葉震陽字以東號寄南南陽人移居南安白石仍侍
父於南陽晝出橫經夜則視寢二十年如一日父
晚病困時刻不離滌器盥衣晝夜數十更兩載不
懈弟萃陽來欲均勞輒慰遣曰我讀而扶老汝耕
而養老各致其能可也繼弟子成章爲子成章萬
歷壬子舉人已未進士自長洲令遷御史累贈父

同安縣志

卷之二十三 義行

三

如其官後歷大理寺卿

林牧字師讓號葵洲幼能文而厄於遇孝養其親父
素善宋姓每飯必延與俱父爲加匕妹將嫁而難
於奩具以妻奩充之父大喜事二兄怡怡無閒從
兄以訟事繫旁郡捐貲解之嘗過族兄某見其啜
茶數盃怪問故曰當午殮耳爲惻然捐餘糈餉焉
又嘗見妊婦負薪亟走如廁意其產也告妻使婢
視之果然爲具雞酒食之婦得抱兒無恙歸尤折
節諸名士與共有無婁人子待以舉火者率爲折

券每寄情於花竹魚鳥圖書詩酒閒與知交酬酢
勿絕家稍落不顧孫一柱萬歷庚戌進士官御史
周仕慶號震吾治春秋明大義是非無所回護坦衷
質貌無崖異谿刻之行孝友天植父嗜酒不治產
仕慶奉侍維謹務得其歡心父以酒患癯晝夜視
湯藥恒口爲吮之歟則竭誠盡慎治喪如禮撫幼
弟得母歡析箸時次弟所鬪田當下流慨然以已
田易之卒付波臣無所悔仲父歟無子仲母僅存
季父蚤夭二孤方孩提仕慶率諸弟事仲母如母
同安縣志

卷之二十三 義行

三

爲季父二孤鉤券簿稽疆畝井然有條課子孫讀
書必次第問其所業終日抱膝趺坐口不關長短
心不着恩怨無親疎少長接之以禮桀驁者卽之
輒化素雖不學醫然有所知叩之必應不計單寒
鄉人德之年八十五卒孫爾發萬歷庚戌進士應
天府丞

林晃字道昭號靜軒牧子生而持重慧與年進父挈
眷避流賊山中獨畱晃守舍露宿水餐中濕得壁
疾醫弗效築軒居之署曰靜終身無機事卮詞

父母無怠容友于仲翁翫無間日產取燒礪者
僮指服物器用取贏敝者曰吾安而習也剛直好
面折人過人知其無他皆諒之初有田十畝坐食
漸耗家四壁立行一杖坐臥一榻榻爲穿無困苦
意時掉臂獨吟聲出金石有侮者不與較年六十
卒子一柱萬歷庚戌進士歷官御史

蔣懷忠字靖節號誨齋天性純篤值倭寇海濱扶父
竄匿禾山父病亟倉卒無殯具晝夜號哭哀感其
鄰人潘爲冒風濤越海購材佐殮喪母哀亦如之

同安縣志

卷之二十三 義行

三

弟夭歿遺孤三俱穉撫之如已子而其二同日溺
海又撫其孤之孤甚摯嘗以悻直爲不逞齟齬繫
於狂狷手尙書一編諷誦弗輟未幾繫解而慷慨
尙義不少衰及子登第命建祖祠葺先塋值災禱
告糴於廣以贍族婚喪不能舉者助之又推其餘
以逮里人郡邑重其德行禮請爲鄉飲賓

郭榜字廷聘號穎台爲諸生淹貫大籍而嫻於禮容
周折曲中尤精於易爲諸生祭酒性真愷以命義
自安不問家人產產益落一蔬一褐淡如也及子

貴受封猶著布素邑令延爲鄉飲大賓子夢得嘉靖壬戌進士瓊州知府

王三聘字允覺號莘野三接弟生而丰神英拔弱冠爲諸生嘗與蘇濬相切劘學益進事親至孝遭二喪哀毀幾不欲生倭亂後兄寄櫬劉營數奔護無所避功叔溺死爲負屍視其含殮嘗省試至橫路遇漂屍捐貲瘞之其陰所折券周人之急不可勝數督學豐城徐公行學官舉優行邑博吳炳思以三聘應時慶得人年五十八卒姪道顯萬歷癸未

同安縣志

卷之二十三 義行

三

進士湖廣按察使節清白堂稿

陳廷佐字時守號仰台陽翟人精易學蔣芳鏞陳如松李雍皆執經焉子基虞成進士乃謝罷諸生就封南雄府推官晉封南大理寺評事申憲大夫順德知府邑令九延大賓閒一再赴其感觸時事多發之於詩有至性嘗就外館忽心動渡海歸值父歿護視含殮人謂純孝之報心存濟物捐貲修造便步橋歲掩骼施禮以數十計疾疫盛行爲糜以食餓者年七十七卒

蔡祚字元貴號寄南父廢疾祚鬻蔬果爲生竭致甘
旨浣滌扶掖不稍離里中有大繇役皆祚任之得
其資無自肥以施人邑有寇警攜子女匿山谷中
分餉與同匿兒相顧恤旣稍羸結客餉師無虛日
鄉鄰有忿爭及爲胥役所苦輒致至家杯酒解釋
之儒術方伎匠作至鄉無不接款種秫爲酒畜雞
豚種蔬果購海錯祭祀賓客應之裕如嘗訓子鍾
有曰吾觀爲官者官已官耳未有官民官者夫以
一人受億萬人之敬奉不能爲人造福斯已矣又
同安縣志 卷之二十三 義行 三六

殃而禍之寧得謂有人心乎又曰子孫能讀書男
爲士否則農耳慎無爲胥吏胥吏者絕人與天者
也又曰出債之家權子母計奇羸惟日不足人且
晚其後終必貧窮以故鍾有令與國遷分水直心
古道復能其官皆祚之教云

李霖慰字于用號東濂邑諸生性恬淡不言勢利邑
令高其行誼嘗以兩造就質固讓而徐以理論遣
之終不令費一錢有故人宦遊千里外致書招之
竟不赴再父母孝待翁友處宗黨能周給生平無

晏容遠色謙下濡忍人稱長者子獻可萬歷癸未
進士戶部給事中

黃蘭芳字時薰號馨齋坂漢人少爲蘇子溪濬所器
年二十五父弟繼歿旣而母妻長子俱殞產益落
多外侮鍵戶授經及子登第益淡泊自持父嘗貸
息於龍關遺券百餘金悉折其券海塘有魚蠅之
利族人衣食其中強鄰欲奪之十數載不決族益
窘祀田稱貸莫應質私田充之迨事白而族苦懸
糧多棄室他徙爲就祭塘中經紀其歲入祀事克

同安縣志

卷之二十三

義行

三

修餘以佐芻輓泊阜罔市禁子弟毋得爲有族藉
名索舟人束薪爲給直而詰責族子黠少年修却
恣掠海塘苗蛤適子報登第置不問與人披肝膽
事有糾紛得其一言立解喜物色知名士多奇中
及其人貴顯卽不復通一刺子每奉使必問途所
經止與游何人節郵卻饋幾何輒色喜戚屬賴以
舉火者非一家海氛初熾攜家避山谷閒賊相戒
無犯已已撫局再變鳩集勇敢出奇抵禦四鄉賴
以免患年八十卒子仲暉改名其晟天啓壬戌進

士授中書歷官御史出爲桂林知府擢南寧道在
中書御史任內兩封父如其官

莊獻字際範嘉靖丙午舉人篤學多識爲人敦良質
實溫恭有禮居鄉處人和樂無忤其在朋輩雖一
日之長亦謙謙隨行不敢先遭歲荒窮乏稱貸無
所吝亦不甚責其息鄉人愛之

洪居正字季中號柏坡萬歷癸酉歲貢授武進訓導
捐俸新學宮子邦光登戊辰進士出守雲南謝官
就封尋晉封貴州左參政有司屢延大賓開一赴

同安縣志

卷之二十三 義行

三

之居正負奇力學其訓家云孝弟禮義文章節槩
當吾家茶飯諸兒曹喫得飽時卽是便宜田地自
壯至老言無過詞動無踰則年八十四卒

王高立名賢繼以字行名諸生積學勵行族中多貧
窶邑徵糧急高立自出金代之

高其義表

其堂曰義方後以次子覲服官封徵仕郎年八十
六卒所著有毛詩小傳十六卷

王覲字正朝別號蓋吾爲山東寧海州通判山東故
多旱蝗歲饑則民相食覲曰此皆長吏無救荒之

法耳因建義倉自斥千金爲之豐則積荒給於民
二十四縣效焉民感其澤立祠肖像事之以廉能
陞福府審理歸著家訓令子孫必同居後嗣遵守
其訓至五世不衰島上稱義門

鄭師字廷肅號東石溪邊人爲人仁厚好施值年荒
每糴米賑濟所全活甚多遇骷髏輒埋葬之臨終
時自知死期凡親友所貸契卷悉焚之或還其人
及卒比鄰皆爲持齋以資其冥福後人因號所居
之處爲菜媽街孫潤中累官至大同府知府

同安縣志

卷之二十三

義行

三

阮伯宗字一峯幼孤母守志鞠之十餘歲泛海求羸
餘以養母母歿躬負土石與父合葬鷺門課子讀
書風雨寒暑不少輟生平寡言笑絕交遊取與不
苟值峽江曾公櫻之喪患難中傾囊助之一裘三
十年一履五年終身不衣帛有隆萬儉樸遺風子
旻錫

國朝

王士豫字立先積善白礁人當海氛播遷時盜賊充
斥士豫鳩其宗族僑居浦頭鄉出已貲築二土堡

據高岡爲犄角勢口練鄉勇紀配整肅寇莫敢犯
衆賴以安年六十舉賓筵子象雍正壬子舉人孫
聯魁拔貢生

陳世樞陽翟人少孤母周氏鞠之成立母捐租爲外
祖母養贍世樞代輸賦於官終身無閒言伯父有
負貸數百金爲債家所迫世樞傾家爲之代還不
求償

陳于荃陽翟人少孤篤志勵行年三十四喪偶終身
不再娶茹淡食貧課子姪以詩文自娛

同安縣志

卷之二十三 義行

四

陳雲初在坊里東門外保東橋人生平仗義好善樂
施順治戊子年鄭成功陷同安雲初不惜傾貲收
鬻瘞體置封樹焉時邑宰鄧麟采表其間舉爲鄉
飲賓卒年六十有六

王良字遂侯號毅菴居晉江隨征臺濟功加左都督
職銜值邑令清復銅魚古蹟計費浩繁良慨然任
之又施楫於縣城建朱文公祠於其鄉子天慶貢
生知縣觀濤康熙辛丑武進士斌康熙辛卯武舉
人任海壇守備乾隆元年以長子天慶貴 贈

其官

陳維衡字季璇永華三子年二十爲諸生有學行漳石美有祖屋舊址附近黃姓貪其地謀於衡曰君祖屋廢不用宗人皆碌碌請爲君求之私奉三百金不然將強築此地以千金爲訟費此地終非君家有也衡拂然曰若然則祖地席捲而去宗人皆碌碌某遂得爲錚錚乎遂白於官越年兄夢球以翰林奉勅巡海有司審實將按黃罪衡復請曰某於黃爲同鄉只求斷歸原主不願推究其罪旣出

同安縣志

卷之二十三

義行

四一

諸從子皆憤以叔爲癡衡曰是非汝所知也盛衰有時今日何難盡法後來可長保耶是時黃自分禍且不測竟得免感激難名踵門叩謝自是相敬愛數十年莫敢窺伺維衡居家端重終日無疾言遽色宗族親友皆雅重之

王朝俊南澳遊擊康熙庚申邑大饑俊買米八百石煮粥分濟仍每日人給米一升全活甚眾

蘇未觀積善里人康熙庚申往永春販布是夏穀貴斗米一金未觀將資本盡數散賑又施楫百具以

殞餓殍永春載之邑志廈門新路渡頭壞捐貲修葺又倡修深青橋行人便之

劉彭齡霖任子爲諸生有文名勇於爲義樂善不倦事父母得其歡心以一經教子子運昇康熙庚申補科舉人平和教諭

陳御飛字克龍諸生陽翟人嘗捐田以通水利立石以表孝節施棺木修橋梁康熙二年浯島播遷周給族戚鄉閭義之

顏孔輔後塘人舉鄉賓梵天文公書院歲久將圯孔同安縣志

卷之二十三 義行

罕二

輔重葺之康熙五十八年復捐重貲修整文廟繚垣易土以磚移建武廟亦得其助城西西橋繚巨百餘丈康熙間毀於水雍正二年孔輔捐貲重造爲費甚鉅行人賴之

黃士敬浯洲人侍父疾數月無息禱以身代事繼母能得其歡延師課弟紘聖遇夜寒深更必攜酒脯往勞之弟得成立

胡天德鼎美人援例爲國子生有王姓四代單傳貧甚欲鬻其子天德憐而周給之得完聚卒成立遇

災施槩代償誣賊鄰有母喪不能葬欲自沈於水
聞而助之人稱義舉

林德謙和易質樸建祠睦族友愛無閒自臺灣移親
柩歸葬遇風幾覆德謙號泣愴慟竟反風無恙施
榘卹貧捐贖難民孫全子鄉人義之

陳王春字伯元由監生捐州同職銜孝親睦族建祖
祠置祀業尙義好施助設育嬰堂倡建縣堂重造
南門橋塔塘橋又自造積善里英溪寧濟後埭三
橋行人利賴督撫學使郡邑長各給匾獎焉卒年

同安縣志

卷之二十三 義行

三

八十五

陳朱鵬有弟早故遺二男朱鵬撫之凡飲食衣服先
姪後子後商於廈門有呂某負官糖將鬻係朱鵬
以金貸完泉人義焉

陳錫英陽翟人摯於天性有女兄已適夫遭家板蕩
徙居郡城父母憂之錫英時饋遺於百數十里外
徒步往返未嘗諉勞後并挈其家以歸數年頓復
其舊業再從兄嫂王氏四世俱單氏孀居苦節所
撫孤二貧不能生思鬻少者以養長者錫英憐之

割已膏腴田付之耕不納其租併代輸糧以全其子母族里稱歎比之范公義田云

林芳德捐職州司馬嘗捐白金修梵天文公書院倡改嶽口理學名宦石坊施棺十年費以千計所居馬家巷有通利廟爲朱子簿同時所題芳德重新之復於其後倡建祠閣以祀朱子計費五百餘金邑令張荃立碑記之

周廷樑事親克供子職撫弟姪友愛無閒祖祠傾頽獨力修建族姓貧乏者加意存卹鄰里喪葬極力

同安縣志

卷之二十三 義行

四

依助遇歉歲寬田丁租入貧者卽爲破券橋路廟宇隨力捐修雍正十年舉應鄉賓乾隆二十二年以子岐德遵例急公 贈中憲大夫

黃錫時字奕中號砥園積善里錦宅人明大義以家貧棄舉子業爲貨殖計漸饒性寬和樂施予慕范文正義田遺規捐千金置產宗祠以資族之讀書孤寡無所賴者其族人黃濤方建華園書院錫時念院中膏火不敷先後共捐七百餘金以資生息爲經久計而土木之興實董其役寒暑不輟者三

年工竣積瘁而卒年六十九以遵例急公請旌焉
呂文遇字雲友號樸齋東門外人植品端方弟失怙
情撫養成人及弟歿視遺孤如己出其於宗族親
朋尤能解囊周卹人以其義之

孫贊育少失怙事母不違母歿值亂不得營葬撫柩
鬻哭至忘寢食祖父母墳以道遠年久失故處跋
涉尋得之負骸百里外不避艱危以歸

李擊輝字角英號瓊齋由國學生捐職州司馬積善
里金墩人幼失怙事母與二兄內外無閒言以勤

同安縣志

卷之二十三

義行

四十五

儉振其家親屬有夭折者輒分資財畀其婦使得
全節嘗與魏彝玉交財彝玉遺算二千金逝後查
晰人無知者輝卽還其婦人皆義之邑人創建華
圃書院輝捐金助成之又以院中膏火不敷復捐
金以生息置產爲延師育才計合前後共捐八百
金其有功於書院者甚大旨平宮詹陳浩作傳稱
之

林文煌字少明篤於天性事父母以孝聞建造小宗
祠中祀列祖左右之屋任族人居之貲財不吝分

繪諸姪喪父之女則備奩遣嫁之卒年七十七
莊肇基有德量推恩不吝鄉邦稱之以賓舉

陳夢熊字士希號松軒貢生在坊溪邊人胞姪寧世
四歲而孤時已析箸夢熊體父母志推食解衣視
同己子復爲延師督課越甲子寧世登賢書族人
以是多其德焉又性慷慨勇於爲善 文廟前庭
蕪廢櫺星門壞皆捐金修葺又修嶽口大路至義
娘廟前修營后鄉及蔡宅小橋行人便之真君廟
龍虎宮亦俱踵事增華乾隆丁卯年鄉大疫施棺

同安縣志

卷之二十三 義行

四六

一年貧民之不能殮者得免暴露邑中以高義稱
之

陳秉義在坊人捐職同知幼喪母事繼母盧氏克盡
孝道能得其歡心及父歿侍奉其祖飲食起居惟
謹家三世同居合指數百祖以秉義能諸事悉委
其經理井然有條嘗擇地西郊外建支祠以安先
靈又捐貲修建書室多蓄經籍廣置書田延名師
以教督弟姪如洪簡祖武捷春邁倫光桓等遊賢
序登賢書者數人皆其力也有叔氏時涵年相上

下事之不異於父凡事必稟命而行與堂弟昆虎亦怡怡終日誼若同胞宗族戚里或有不浹者得其一言立解蓋由其孝友誠慤素孚於人也以壽終安溪太史官獻瑤南安太史洪世澤皆爲之傳陳邦寶字璞卿捐職布政司理問嘉禾溪岸人少躬耕養親門內藹如旋客浙江甬東值歲荒民艱衣食邦寶製綿衣分給復於通衢煮粥賑饑當事令邦寶倡捐兼董賑事遂首捐重資作倡並分頭勸諭捐賑凡向義捐輸者大書其名於公所壁上註同安縣志

卷之二十三 義行

七

明捐數若干人競感勸樂輸全活者甚衆後乾隆庚午甬復大歉時邦寶已歸里矣寧台紹范觀察訪其遺法踵行之民困以蘇郵贈匾積厚流光旌之居鄉施與無吝族戚多藉周卹當事建玉屏書院置育嬰堂皆捐輸倡首雅有樂善好施之風

陳迪元鄉飲賓店前鄉人少時卽能佐父母事祖母迨長孝養父母務得歡心母嘗病臥床四載髮生虱癢極迪元以已辮倚母髮使虱歸已居父母喪盡哀盡禮季妹孀守家貧子幼收養之以全其節

弟婦少寡周卹備至撫幼姪不異己子祖廟朽壤竭力鼎建修遠代祖墳置輪祭田畝周族戚之不足者乾隆十五年後塘橋倒塌迺元捐資建之又修築茂後橋鋪平沿海險徑鄉人服其好義

陳思敬字太初副貢生乾隆癸酉重修貢院思敬樂捐三千金又建寨仔山義塾倡修文公書院遠近咸稱高義子鳴珮廩貢任龍溪訓導

高育茂字植萬號樂園職監性淳樸好施與雍正癸丑洪水爲災流屍遍野育茂施棺殮埋鄰里窮乏

同安縣志

卷之二十三 義行

吳

稱貸不吝建宗祠修譜系從姪華松少穎異育茂器之視同己子延師課督後由千總挑入侍衛補崖州營叅將陞春江副將署理總兵族人咸爲育茂之力也嘗謂其子以彰曰凡有義舉量力助成以彰凜遵遺訓乾隆癸卯捐建奎星樓癸丑倡修

崇聖祠朱子祠乙卯建輪山紫陽書院嘉慶丙辰改朝元城門清銅魚古蹟以彰又命次子邑諸生有繼倡脩文廟明倫堂協輯邑志命三子國學生玉成脩城垣浚河溝義聲著於四方督憲魁

公嘉其義賞以彰袍褂銀牌邑令吳堂爲立傳并建坊旌之四世同居食指六百餘不畜婢僕世咸稱焉子孫蕃衍多入雍庠

童重器字廟華號榕亭捐職州司馬在坊里月眉池人平生樂善好施外祖父卒於臺灣重器體母志渡洋護櫬歸葬又城東回祿近地獅嘴口積樞延燒骨殖支離施棺殮埋鄉鄰貧乏賙貸罔吝姪婦葉氏青年孀守重器加意撫慰以成其節年六十八卒子浚德乾隆戊申舉人孫開勳庠生

同安縣志

卷之二十三 義行

四十九

隱逸

許衍

石蕡

魏秀才

陳必敬

紀許國

林志遠

楊期演

阮旻錫

李樹官

曾福

劉思睿

宋

許衍衍翁隱居苦學博通經傳子史編田舍墨記四

十卷祀鄉賢

石蕢字蕃甫以世胄薄遊鯁論忤世浩然而歸崇寧中隱於文圃山詞藻清節推重一時嘉定間邑人楊志爲作三賢堂與謝脩洪文用合祀

魏秀才逸其名居浯江上有太上隱者之風邱葵贈詩二章其一屋茅蕭索泣寒蟲獨自吟詩學已工敗葉能令溝水黑亂雲不放夕陽紅半生辛苦空儒服一歲蹉跎又朔風不意窮鄉有奇事暮春得拜席門翁其二月淡蓬門掩侯蟲窮通底解問天

同安縣志

卷之二十三 隱逸

五十

工茶烹藥面紛紛白燈吐花心灼灼紅屢改新吟添硯水密糊舊橐護窗風相逢莫道龐公老覽鏡先慚似老翁

陳必敬號樂所陽翟人少穎悟通五經諸子百家言宋未一舉不遇遂不復出嘗與邱葵講明濂洛遺學所著有詩聯遺文其詠釣臺詩云公爲名利隱我爲名利來羞見先生面黃昏過釣臺又云已上桐江臺又弄桐江釣不食桐江魚不怕嚴公笑二詩人傳誦之

明

紀許國字石青與父文疇並受業於黃道周弟子數百許國最少掉臂獨行崇禎壬午鄉薦時年方二十退隱不仕著有广史焦書名山集拂塵集與蒿中林說傳公尊賢燕公稱壬午三異人近紀曾實合刻其遺藁行焉

林志遠字致子號陶菴萬歷戊午年二十六舉於鄉力學博聞勵志弗衰九上公車崇禎癸未始成進士授工部主事假歸甲申後奉母結茅清谿仙峯

同安縣志

卷之二十三

隱逸

五十一

嶺不復出人稱陶菴先生年七十二卒著有歷代史白

楊期演字則龍號克齋崇禎庚午舉人博涉書史尤工古文甲申後與父廩生師瑄杜門不出教授生徒日以詩賦自娛著有易經管見子秉機庠生元孫宗潮增生

國朝

阮旻錫字疇生明世襲次千戶後裔闖賊陷京旻錫方弱冠慨然謝舉子業夙居島外師事曾公櫻傳

性理學患難與共又得曹石倉所遊之友楊能元池直夫聞其緒論講習風雅如是者十六七年出覽名山大川北抵京華託處十數載後乃逃於釋氏以教授生徒自給實鄭所南謝臯羽之流亞三山林氏信謂其詩冲微澹遠一以正始爲宗他日列文苑其平生志節必有表而傳之者年八十餘終

李樹官字石臣偕阮旻錫築館於城南廢圃屏絕人事取先儒傳註語錄與有明二百餘年紀載及先

同安縣志

卷之二十二 隱逸

五十一

輩評訂者沈酣浸漬數年業大就博極羣書尤工古文詞素慷慨負奇節嶽嶽不可下諸貴介頗願納交皆叱而遠之以故布衣蔬食終其身困厄年四十有四而歿

曾福爲諸生年三十餘卽棄舉子業結庵斗拱山下談道賦詩日與文士相唱和

劉思睿字愧聖東橋人康熙甲午武舉人少年豪俠好義遊京師與光祿卿林祖成交最善及歸結茅於三秀之新巖湖湖在山巔四面絕人烟而廬僅

容膝逍遙高臥常經年履跡不至家自號醒園嘗
指石曰余前夢夢今乃獨醒斯園斯石以誌也時
野服葛巾投竿於黃磔之龍潭與萬濤之石榻日
往來凡十餘里泉清水冷俱少魚思睿意不在魚
魚亦無所得而垂綸不厭竟終老於是焉隱三秀
者凡十有七年年六十病且革家人將迎歸夷然
曰此吾環邱也而吾又焉歸遂卒於山中葬於其
廬之後

同安縣志卷之二十三終

同安縣志

卷之二十三 隱逸

五三

